

**Samningur  
mennta- og menningarmálaráðuneytis  
við ReykjavíkurAkademíuna ses.  
um ráðstöfun rekstrarframlags á fjárlögum 2014-2016**

Mennta- og menningarmálaráðuneytið, kt. 460269-2969, í samningi þessum nefnt ráðuneyti, og ReykjavíkurAkademíán ses., kt. 500506-0240 í samningi þessum nefnd RA, gera með sér svofelldan samning um ráðstöfun á rekstrarframlagi til RA í fjárlögum.

## 1. Tilgangur, markmið og starfsemi

- 1.1. RA er rannsóknar- og nýsköpunarstofnun í menningar-, hug- og félagsvísindum sem veitir vísindamönnum í sjálfstæðum, fjölfaglegum rannsóknum starfsaðstöðu og rannsóknarþjónustu. Markhópur RA er auk þess fræða- og fagfélög, menningar- og fræðastofnanir, sem og smáfyrirtæki sem byggja starfsemi sína á rannsóknum og miðlun þeirra. Sérstök áhersla er lögð á að veita ungum vísindamönnum í rannsóknartengdu framhaldsnámi innanlands sem utan aðstoð og aðstöðu eftir föngum.
- 1.2. Meginmarkmið með samningi þessum eru að
  - efla formlegan vettvang fyrir sjálfstæðar rannsóknir og nýsköpun með rekstri á öflugri rannsóknarstofnun og menningarmiðstöð;
  - virkja og tengja saman þann mannafla sem stundar sjálfstæðar rannsóknir og hvetja til fjölfaglegs samstarfs milli einstaklinga, félagasamtaka, fyrirtækja, þekkingasetra, háskóla, annarra mennta-, menningar- og fræðastofnana innanlands sem utan og
  - stuðla að fræðilegri og gagnrýnni samfélagsumræðu.
- 1.3. Starfsemi
  - **Aðstaða.** Veita markópnum aðgang að alhliða rannsóknar- og skrifstofurými, þjónustuveri og aðstöðu til námskeiðahalds, fundarhalda og rannsóknastarfa.
  - **Rannsóknir og þróun.** Hafa frumkvæði að rannsóknar- og þróunarverkefnum sem byggja á nýjum straumum í fjölfaglegum rannsóknum og take virkan þátt í fræðilegri umræðu um nýsköpun og þróun í menningar-, hug- og félagsvísindum og tengslum þeirra við samfélagsþróun og atvinnulíf.
  - **Þjónusta.** Veita markhópnum aðgang að sérhæfðri rannsóknarþjónustu sem felur í sér ráðgjöf, handleiðslu og upplýsingar um fjármögnunarmöguleika, styrkumsóknir, rekstur rannsóknarverkefna, almennan rekstur sjálfstæðra rannsókna, innlenda sem og erlenda samstarfsmöguleika, og skyld atriði. Veita stjórnvöldum ráðgjöf og aðstoð varðandi stefnumótandi atriði á starfssviði RA þegar eftir því er leitað, m.a. í þágu starfsemi Vísinda- og tækniráðs.
  - **Vettvangur.** Vera vettvangur fjölfaglegs samstarfs fræðimanna, umræðu, vinnuhópa, fyrirlestra, málþinga, námskeiða, vinnustofa og sýninga eftir því sem verkefni innan vébanda RA gefa tilefni til hverju sinni.
  - **Miðlun.** Hafa forgöngu um miðlun á erlendum og innlendum rannsóknum og fræðaefni hvort sem það er í gegnum almenna útgáfu, ritrýnd fræðirit og/eða stafræna miðla. Leitast er við að miðla fyrilestrum, málþingum, málfundum á rafrænan hátt í gegnum heimasíðu RA.



## **2. Forsendur samnings og lagaheimildir**

- 2.1. Framlag ríkisins til samnings þessa er ákveðið í fjárlögum hvers árs (fjárlagaliður 02-299 - 1.73) og er það 18,0 m.kr. árið 2014.
- 2.2. Ráðuneytið annast samskipti aðila vegna samningsins við fjármálaráðuneyti og Alþingi. Það mun beita sér fyrir því að árlegt framlag til samningsins verði í samræmi við gr. 2.1 með fyrirvara um að RA standi við skuldbindingar sínar. Gerður er fyrirvari um að stjórnvöld kunni að ákveða aðhaldsaðgerðir við samþykkt fjárlaga og á RA ekki kröfu á ríkissjóð eða rétt á bótum þótt framlag til samningsins verði lækkað eða fellt niður.
- 2.3. Verði gerð umtalsverð breyting á fjárveitingu til samningsins í fjárlögum taka aðilar upp viðræður um aðlögun rekstrarins að breytti fjárveitingu.
- 2.4. Framlag ríkisins skv. samningi þessum tekur breytingum samkvæmt verðlagsuppfærslu fjárlaga hvers árs.
- 2.5. RA starfar samkvæmt skipulagsskrá sem samþykkt var 31. mars 2006.
- 2.6. RA starfar í samræmi við lög og reglugerðir sem gilda um umsamda starfsemi og verkefni, en einnig, eftir því sem við á: eftir lögum og reglugerðum um rekstur aðila sem kostaðir eru að verulegu eða öllu leyti af framlögum ríkisins.

## **3. Ábyrgð RA**

- 3.1. RA ber ábyrgð á starfsemi sem samningur þessi tekur til og að hún fullnægi kröfum um fagmennsku og gæði. RA skal geta lagt fram gögn og skýrslu þessu til staðfestingar, sé eftir því leitað.
- 3.2. RA ber ábyrgð á skuldbindingum sem það eða aðilar á þess vegum stofna til í tengslum við samning þennan.
- 3.3. RA er óheimilt að:
  - 3.3.1. Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
  - 3.3.2. Framselja greiðslur skv. samningi þessum til þriðja aðila og setja með öðrum hætti til tryggingar fjárvkuldbindingu skv. 45. gr. laga um samningsveð nr. 75/1997.

## **4. Upplýsingar, samskipti og eftirlit vegna fjármála**

- 4.1. Ráðuneytið greiðir árlegt framlag sem hér segir:
  - 4.1.1. Í tólf jöfnum hlutum og er miðað við greiðslu fyrsta dag hver mánaðar. Greitt er inn á bankareikning í viðskiptabanka RA.
- 4.2. RA skilar ráðuneytinu:
  - 4.2.1. Áætlun um rekstur og efnahag ásamt starfsáætlun, þar sem fram komi m.a. hvernig er áætlað að ráðstafa framlagi og helstu starfsmarkmið sem unnið verður að, fyrir lok janúar ár hvert.
  - 4.2.2. Endurskoðuðum ársreikningi ársins á undan með skýringum, fyrir lok júní ár hvert.
- 4.3. Eigi RA í viðskiptum við lögaðila sem það á eignahluta í eða er í eigu fjárhagslegra tengdra aðila svo sem stjórnenda hans, eða annarra aðila, skulu þau fara fram á viðskiptalegum forsendum og grein fyrir þeim gerð í ársreikningi.



## **5. Upplýsingar, samskipti og eftirlit vegna verkefna RA**

- 5.1. Ráðuneytið hefur eftirlit með framkvæmd samningsins.
- 5.2. Fulltrúar ráðuneytis og RA funda að lágmarki árlega um samninginn.
- 5.3. Fyrir lok júní ár hvert skilar RA ráðuneytinu greinargerð um framkvæmd samningsins, hver staða verkefna er og hvernig framlagi var ráðstafað í samanburði við áætlun.
- 5.4. RA skilar ráðuneytinu upplýsingum sem það kallar eftir vegna opinberrar upplýsingagjafar.
- 5.5. RA veitir ráðuneytinu þær upplýsingar sem það kallar eftir vegna eftirlits með framkvæmd samningsins. Ráðuneytið hefur heimild til að gera sjálft eða fela öðrum að gera athuganir og úttekti á öllum eða einstaka þáttum í framkvæmd samningsins. Í því sambandi hefur það óheftan aðgang að öllum gögnum sem máli skipta, þar á meðal fundargerðum, skrám, fylgiskjölum, skýrslum, bókum og bréfum.
- 5.6. Samning þennan, ársreikning RA og ársskýrslur skal birta á vef RA jafnóðum og þessi gögn liggja fyrir. Ráðuneytinu er heimilt að birta gögnin á vef sínum.
- 5.7. RA setur á vefsíðu sína ýmis gögn sem eru efnislegar afurðir starfseminnar, svo sem skýrslur, leiðbeiningar og áætlanir.


## **6. Vanefndir og meðferð ágreinings**

- 6.1. RA tilkynnir ráðuneytinu tafarlaust ef það telur vafa leika á um að það geti uppfyllt skyldur samkvæmt samningnum. Jafnframt greinir stofnunin frá úrræðum sem hún hyggst grípa til.
- 6.2. Ráðuneytinu er heimilt að draga úr greiðslum, stöðva greiðslur og endurkrefja um greiðslur uppfylli RA ekki skyldur sínar samkvæmt samningi þessu.
- 6.3. Samningsaðilar munu leitast við að jafna ágreining, ef einhver er, sín á milli.
- 6.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.


## **7. Gildistími og lok samnings**

- 7.1. Samningurinn gildir frá 1. janúar 2014 til 31. desember 2016.
- 7.2. Hvor aðili um sig getur óskað eftir því að einstök ákvæði samnings þess eða samningurinn í heild verði tekinn til endurskoðunar, enda séu færð fyrir því efnisleg rök. Endurskoðun skal hefjast svo fljótt sem verða má.
- 7.3. Óski annar hvor samningsaðila að semja um áframhald eftir gildistíma samningsins skal hann koma því á framfæri fyrir lok febrúar það ár sem samningurinn rennur út.
- 7.4. Óski annar hvor samningsaðila eftir að segja samningnum upp skal það gert skriflega með þriggja mánaða fyrirvara.
- 7.5. Samningur þessi er gerður í tveimur samhljóða eintökum og heldur hvor aðili eintaki.

Reykjavík, 5. febrúar 2014



Mennta- og menningarmálaráðuneyti  
Illugi Gunnarsson ráðherra



ReykjavíkufAkademían ses.  
Sölveig Ólafsdóttir framkvæmdastjóri